



Inatsisartuni ilaasortaq,
Gerth Mikaelson, Naleraq
/Maani

**§ 37 naapertorlugu apeqquteqaammut nr. 087_2025-mut umimmannik
tuttunillu nuussiniarnermut tunngasumut akissut.**

09-07-2025
Suliap normua: 2025 - 14051
Dok. normu: 98469731

Inatsisartut suleriaasissaanni § 37-mi imm. 1 naapertorlugu apeqqutiniq
Naalakkersuisunit nassiussaqaarsimavutit, umimmannik tuttunillu Tasiilap
eqqaanut nuussiniarneq pillugu. Apeqqutit uanga
akisassanngortinneqaarsimapput.

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apn@nanoq.gl
www.naalakkersuisut.gl

1. *Naalakkersuisut Tasiilap eqqaanut Ittoqqortoormiiniit umimmannik
inissiinnissamik pilersaaruteqarnerlutik?*
 - a. *Taamatullu kitaaniit Tasiilap eqqaanut tuttunik
inissiissamaarnerlutik?*

Akissut 1: Uumasunik nujuartanik – umimmaat tuttullu ilanngullugit –
nuussiniarnermik pilersaaruserneq aningaasalersuinerlu kommunit nammineq
iliuuseqarfiginiarlugu aalajangersinnaavaat. Naalakkersuisut tamatumani
pilersaaruteqanngillat. Taamaattorli uumasunik nujuartanik pineqartunik Kalaallit
Nunaanni sumiiffimmiit ataatsimiit sumiiffimmut allamut nuussineq
siaruartitsinerlu Pinngortitamik innarlitsaaliuneq pillugu Inatsisartut inatsisaanni
nr. 29-mi, 18. december 2003-meersumi, § 33, imm. 5, naapertorlugu
Naalakkersuisunit akuerineqartussaavoq, soorluttaaq uumasunik nujuartanik
nikeriarinnaajunnaartitsineq, tigusineq, nuussineq kiisalu aqutsineq Piniarneq
aallaaniarnerlu pillugit Inatsisartut inatsisaat nr. 34, 13. juni 2023-meersumi § 28
malillugu malittarisassat Naalakkersuisunit atuutilersinneqartut malillugit
ingerlanneqassasut. Tamanna aamma isumaqarpoq pisassiissutit biologit
siunnersuinerat tusarniaanerlu tunngavigalugu aalajangersarneqassasut kiisalu
pisassiissutiniq agguassineq kommunimit pineqartumit ingerlanneqassasoq.

Akissut 1a: Apeqqut 1-imut akissut innersuussutigineqarpoq.

2. *Naalakkersuisut Ittoqqortoormiini ukioq manna umimmannut
pisassiissutiniq naammattunik ilaqqinnissaanik pilersaaruteqarnerlutik?*

Akissut 2: Nalunaarut atuuttoq naapertorlugu umimmannut pisassiissutit
Piniarnermut Naalakkersuisoq-mit aalajangersarneqartarput.
Ilisimatitsissutigisinnaavara siorna pisassiissutit tamakkerneqanngitsut,
taamaammallu pisassiissutit ilaqqinnissaat pilersaarutaanngilaq. Aasaanerani
ukiaanerani 2025-mi umimmannut pisassiissutit

aalajangersarneqaqqammerput. Tassunga atatillugu Ittoqqortoormiini pisassiissutit nalinginnaasut iluanni immikkut iliuseqarnikkut aalajangerneqarnikuuvoq Ittoqqortoormiini inuussutissarsiutigalugu piniartut tamarmik piffissami 15. juulimit 31. juuli ilanngullugu umimmannik amerlanerpaamik marlunnik pisaqarsinnaassasut, taassumalu kingorna inuussutissarsiutigalugu sunngiffimmilu piniartunut umimmanniarneq nalinginnaasoq 1. aggust-imi aallartissaaq.

Inussiarnersumik inuulluaqqusillunga



Peter Borg sinnerlugu

Aalisarnermut, Piniarnermut, Nunalerinermut Imminullu Pilersornermut
Naalakkersuisoq